



Uunga: Inatsisartunut ilaasortaq Peter Olsen
Mailikkut inatsisartut@inatsisartut.gl nassiunneqartoq

§ 37 naapertorlugu apeqquut 2020-004-mut akissut

15-01-2020

Eqqumiitsuliortut il.il. akileraarusiivigineqartarnerat pillugu Inatsisartut Suleriaasianni § 37, imm. 1 naapertorlugu apeqquummik Naalakkersuisunut nassiussivutit.

Sags nr. 2020 – 313/AN 2020-
415

Apeqquut 1

Akileraartarnermut Aqutsisoqarfimmi qarasaasiakkut atortorissaarutit imatut aaqqissuussaappat kisimiilluni erinarsortartutut nipilersortartutullu, timersornikkut aliikkusersuisartutut, nipilersortartutut, atuakkiortutut, allatut tamatigut eqqumiitsuliortutut, timersortartutut, aviisitigut allaaserinnittarnikkut, eqqartuussisutut, eqqartuusseqataasutut illersuisutullu akissarsiat ataasiakkaarlugit immikkoortiterlugit nalunaarsorneqarsinnaallutik?

Postboks 1037
3900 Nuuk

Tlf. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Apeqquut 1-imut akissut

Naamik.

Apeqquut 2

*Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. september 2011-meersoq naapertorlugu, kisimiilluni erinarsortartutut nipilersortartutullu, timersornikkut aliikkusersuisartutut, nipilersortartutut, atuakkiortutut, allatut tamatigut eqqumiitsuliortutut, timersortartutut, aviisitigut allaaserinnittarnikkut, eqqartuussisutut, eqqartuusseqataasutut illersuisutullu akissarsiat **Aningaasarsiat A-tut** isigineqarput.*

- Sooq aningaasarsiat taakku **Aningaasarsiat A-tut** isigineqarpat?
- Aningaasarsiat taakku **Aningaasarsiat B-tut** isigineqalissappata inatsisit atuuttut sorliit allanngorteqqaarneqartariaqarpat?
- Aningaasarsiat taakku **Aningaasarsiat B-tut** isigineqalissappata nalunaarutit atuuttut sorliit allanngorteqqaarneqartariaqarpat?
- Aningaasarsiat taakku **Aningaasarsiat B-tut** isigineqalissappata Akileraartarnermut Aqutsisoqarfimmut qanoq tamanna kinguneqassava?
- Aningaasarsiat taakku **Aningaasarsiat B-tut** isigineqalissappata Nunatta Karsianut qanoq tamanna kinguneqassava?
- Aningaasarsiat taakku **Aningaasarsiat B-tut** isigineqalissappata Kommunit aningaasaqarnerannut qanoq tamanna kinguneqassava?

Apeqquut 2-mut akissut

2 a-mut:

A-nik B-nillu isertitat assigiinngissutaasa erseqqissarnissaat pisariaqarsorinarpoq.

A-nik isertitat isertitaapput akileraaruserneqartussaataasut, A-nillu akileraarummik ilanngaavigineqartussaasut. A-nik isertitat ilaatigut tassaapput inuit atorfimminnut atatillugu sulinerminni aningaasanik ajunngitsorsiaat sulluunniit. Assersuutigalugu taakku tassaapput akissarsiat, ajunngitsorsiat, agguagarsiat ikiuutisiallu taakkununga assingusut.

B-nik isertitat isertitaapput pisassat tunniunneqannginneranni akileraarutininik ilanngaavigineqanngitsut. B-nik isertitat nammineerluni nalunaarutigalugillu akileraarutininut akiligassartai isumagineqartussaasarpot.

Isertitat apeqquutini eqqartorneqartut akissarsianut, A-nik isataasunut, assersuunneqarsinnaanerusutut nalilerneqarpot. Tamatuma saniatigut allaffissornermi nalunaarsuineq sulisitsisup nakkutigippagu akuusunut tamanut, tassani pisortatut oqartussaasut ilanngullugit, pitsaanerpaajusutut nalilerneqarpoq.

2 b-mut:

Allanguut aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. september 2011-meersup allangortinneratigut pisinnaavoq.

2 c-mut:

2 b-mut akissut takuuk.

2 d-mut:

Qarasaasianut atortorissaarutininik, immersugassianik il.il. allangortiterinermit kiisalu ilitsersuutininik nutaanik suliaqarnernut kiisalu innuttaasunik ingerlatseqatigiiffinnillu ilitsersuinermit sulisunut saniatigut tiiminik atuinersussutissanut aningaasartuuteqarnissaq naatsorsuutigineqartariaqassaaq. Aningaasartuutit taakku aallarniutitutataasiaannartumik aningaasartuutaanerusussatut naatsorsuutigineqarpoq.

Tamatuma saniatigut B-nik isertitanik nakkutilliinermit suliat A-nik isertitanik nakkutilliinermit sanilliullugit allaanerullutillu oqimaannerummata, annertunerusumik nakkutilliinissamut tiiminikinglerlaavartumik atuinissaq naatsorsuutigineqassaaq.

2 e-mut:

§ 37 naapertorlugu apeqquummut 2017-171-mut akissummi allassimasutut, eqqumiitsuliornermit ingerlatsinermit akileraarutininik isertitanik immikkut naatsorsukkanik Naalakkersuisut pigisaqanngillat. Akileraartarnermit Aqutsisoqarfiup inuit akileraarutaat inuup normua, sulisitsisut il.il. aallaavigalugit nalunaarsortarpei, isertitaalu ataasiakkaat sunik suliaqarnermit isertaaneri nalunaarsortarnagit. Taamaammat isertitat qanoq annertussusaat pillugu naatsorsukkanik tunniussisinnaasoqanngilaq – taamaammallu aamma apeqquutigineqartut allangornerata malitsisigisaanik iluanaarutit apparsinnaanerannut missingiisinnaaneq pisinnaanngilaq.

Akilerartartuq inummut nalinginnaasumillu ilanngaammit annertunerusumik ukiumut isertitaqassappat, B-millu isertitamut ilanngaatini atornagu (maanna ukiumut 5.000 kr.) nunatta karsia inummut ataatsimut 5.000 kr.-t tikillugit akileraarusiinerup nalinganik naleqartumik annaasaqassaaq. Procenti akileraarusiissutaasoq kommuni akileraarfiup suunera apeqqutaatillugu nikerarpoq. 5.000 kr.-p 44 %-a 2.200 kr-ummat paasissutissiissutigineqassaaq.

Akileraarutinit isertitat nunatta karsiata kommunillu agguartarmatigit, agguagarlu kommuninut annerusumikpisarneranut oqaatigineqassaaq. Taamaalillunilu kommunit iluanaarutikinnerulernerme annertunermik sunnerneqassapput.

2 f-imut:

2 e-mut akissut takuuk.

Apeqqu 3

Kisimiilluni erinarsortartutut nipilersortartutullu, timersornikkut aliikkusersuisartutut, nipilersortartutut, atuakkiortutut, allatut tamatigit eqqumiitsuliortutut aningaasarsiat aningaasarsiat pissarsiariniarnerini aningaasartuutit peereerlugit akileraarutissartaasa 42 procentimit 15 procentimut apparneqarnerat pissappat;

- a. Inatsisit atuuttut sorliit allanngorteqqaarneqartariaqarpat?
- b. Nalunaarutit atuuttut sorliit allanngorteqqaarneqartariaqarpat?
- c. Akilerartarnermut Aqutsisoqarfimmud qanoq tamanna kinguneqassava?
- d. Nunatta Karsianut qanoq tamanna kinguneqassava?
- e. Kommunit aningaasaqarnerannut qanoq tamanna kinguneqassava?

Apeqqu 3-mut akissut

3 a-mut:

Assersuutigalugu aningaasarsianit akileraarutit pillugit Inatsisartut inatsisaat nr. 12, 2. november 2006-meersoq kingusinnerusukkut allannguutitalik, suliniutilli aamma immikkut inatsisikkut maleruagassiuunneqarsinnaanera eqqarsaatigineqarsinnaavoq.

Tamatuma saniatigit akileraarusersuinerme aqqissuussinerup akileraarutinek akitsuutinillu akileeqqusineq pingaarnertut suliassarigaa oqaatigineqassaaq, tamannalu politikikkut pisortat aningaasartuutaannik aningaasalersuinissamut pisariaqartutut isigineqartoq oqaatigineqartariaqarpoq. Eqqumiitsuliornermik ingerlatsinerup pisortanit ikorfartorneqarnera akileraarusersuinerme aqqissuussinikkut pissanngilluinnarpoq, taamaattoq toqqaannartumik erseqqissumillu aningaasanut inatsimmi tapiissutinut aningaasaliissutitigit oqartussaaqataanerme ersarissumik paasiuminartumillu ingerlatsinerup ilaatut pissalluni. Akileraarusersuinerme aqqissuussinikkut eqqumiitsuliornermik ikorfartuineq innuttaasunut politikikkullu aalajangiisartunut aningaasartuutivinnik toqqorterinerme ilapertuuttarmat maannangaaq erseqqissumik nangaasaarutigineqartariaqarluni.

3 b-mut:

Maanna nalilernerqarpoq nalunaarutit atuuttut allangortinneqarnissaat pisariaqartinneqanngitsaq, kisiannili suliniut pillugu pisut apeqqutaatillugit nutaamik nalunaarusiornissaq pisariaqalersinnaavoq. Taamaaliornermi pingaarnertut inatsimmi toqqammavissiinerup qanoq pinera tamatumani apeqqutaajumaassaaq. 3 a-mut akissut innersuussutigineqarpoq.

3 c-mut:

Eqqumiitsuliornermik suliaqarnermit isertitanillu allanit inuit isertitaasa eqqortumik agguarneqarnissaat qulakkeerniarlugu akileraarusuinermik kukkunersuinermillu suliaqarnermut sulisut tiimiisa annertuumik amerlineqarnissaat naatsorsuutigineqassaaq.

Tamatuma saniatigut qarasaasianik atortorissaarutininik, immersugassianik, ilitsersuutininik il.il. nutartertariaqartussanut allannguinermit aningaasartuuteqartoqassaaq.

§ 37 naapertorlugu apeqqutip 2017-171 akineqarnerani allassimasutut, suliniut akileraartartut tamarmik isertitaasa sulianut agguarlugu naatsorsorneqartalernissaanik pisariaqartitsissaaq, tamannalu ilaatigut sulisitsisut tamarmik ataasiakkaat isertitaasa suliat suussusiannut agguarlugu nalunaarsuisalernerannik nassataqassaaq. Peqatigisaanik akileraartartut isertamik tamakkiisumik ilaannakortumilluunniit appasinnermik akileraarusernissaanik kissaateqartut, nammineq nalunaarsorneqarnissaanut isumaginissaa qulakkiissavoq. .

Taamattaq "kisimiilluni erinarsortartutut nipilersortartutullu, timersornikkut aliikkusersuisartutut, nipilersortartutut, atuakkiortutut, allatut tamatigut eqqumiitsuliortutut" qanoq paasineqartariaqarnerat erseqqissarneqartariaqassaaq, tassani eqqumiitsuliap qanorpiaq paasineqartussaanera ilanngullugu, taamaalillunilu qaqugukkut eqqumiitsuliortup isertitaasa eqqumiitsuliornermit isertitaannginneri ilanngullugit. Eqqumiitsuliortutut taaguuteqarnejq immikkut illersugaanngilaq, taamaamallu kinaluunniit imminut taamatut taasinnaavoq.

Akileraartarnermut inatsisip atortinneqarnissaa akileraartarnermi oqartussaasut suliaassaat. Akileraartarnermut oqartussaasut arlaannaannulluunniit attuumassuteqanngitsumik eqqumiitsuliatut sanaat taamatut piumasaqaatinik naammassinninngitsut pitsaassusaannik nalilersuinissaminnik ajornakusoortitsissapput. Taamaalilluni eqqumiitsuliortunut iluaqutsiisumik nalaatsortumik kinaassusersiortumillu akileraarusuinermik malittarisassat atuutsilersinneqarnissaat aarlerinaateqarpoq, taamaaliornertu akileraartarnermik oqartussaasut suliaasa ataqqineqarnerannut iluaqutaananilu inunnut suliaminnik eqqumiitsuliornermik suliaqarnermeersuunngitsutut naliliiffineqartunut naapertuilluartumik iliorfigineqanngitsutut misigisunut iluaqutaassanngilaq. Tamatuma malitsigisaanik Akileraartarnermut Siunnersuisoqatigiinnut naammagittaalliutit amerlinissaat taamaalillunilu isumalluutininik atuinerulernissaq naatsorsuutigineqartariaqassaaq.

3 d-mut:

2 e-mut akissut takuuk.

3 e-mut:

2 e-mut akissut takuuk.

Naggasiullugit oqaatigiumasat

Apeqcutinnut tunngavilersuutinni apeqquummik ima oqaasertalimmik nutaamik aperivutit:

"Paatsuungassutigineqaleqqavoq CVR.NR. sumut atorneqassanersoq. Taamaattumik pisariaqarsorinarsivoq CVR.NR.-ip. aamma Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. september 2011-meersoq § 7 imm. 8 malillugu nipilersortartut eqqumiitsuliornerullu silarsuaata iluani ingerlataqartut aningaasarsiat akileraarutaanniit A-nit akileraaruserneqartussaannerat imminnut qanoq attuumassuteqarnerisut; CVR.NR.-lik aningaasarsiat A-nit akileraaruserneqassava? Imaluunniit naamik?"

Tassunga ilanngullugu CVR-imik normoqarneq pissutiginnarlugu isertitat suulluunniit qanoq akileraaruserneqartarnerat pineq ajormat erseqqissaatigineqassaaq. § 37 naapertorlugu apeqquummut 2017-174 akissut, pissutsit taaneqartut itisilerneqarfigisaat innersuussutigineqarpoq.

Inussiarnersumik inuulluaqqusillunga


Vittus Qujaukitsog